



Inatsisartuni ilaasortaq Sofia Geisler, Inuit Ataqtigiit
/maani

Okuk pillugu § 37 naapertorlugu apeqquteqaammut 2019-235-imut akissut

Asasara Sofia

Inatsisartut suleriaasianni § 37 naapertorlugu okuk pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

15-07-2019
Suliaq nr.: 2019 - 15816
Id nr. 42641391

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

1. Naalakkersuisut ilisimatitsissutigisinnaavaat inissiat pisortat pigisaat attartortittakkat qassit maanna oqummik eqqugaasimanersut?

AKISSUT: INI A/S-imiit ilisimatitsissutigineqarpoq, taakku ataatsimut amerlassusaat pillugit nassuiaanissaq ajornartoq. Tassalu taamaallaat inissiat atorineqartut oqummik eqqugaasimasut, qimanneqarlutik inoqanngitsut pillugit nassuiaasoqarsinnaavoq. Taamaattumik inissiat misissuiffigineqartut imaluunniit iluarsanneqartut amerlassusaannut takussutissiat immikkut ittumik nalunaarsorneqarneq ajorput.

2. Naalakkersuisut ilisimatitsissutigisinnaavaat pisortat pigisaat inissiat attartortittakkat oqummik ajornartorsiuteqarnerat pissutigalugu qassit iluarsanneqarsimanersut ukiuni 2018, 2017 aamma 2016?

AKISSUT: INI A/S ilisimatitsivoq, Namminersorlutik Oqartussat inissiaqarfiini oquiaalluni suliarineqartut naammassineqartullu amerlassusaannik nassuiaaviusunik nalunaarsuisoqarsimanngitsaq. Aammattaaq apeqqut 3-mut akissut innersuussutigineqarpoq.

Ineqarnermut Attaveqaqatigiinnermullu Naalakkersuisoqarfimmi Namminersorlutik Oqartussat Iluarsaassinernut Allattoqarfiat aqqutigalugu ukiuni 2016-2018 'inissianut qungujulasunut' malitassaq malillugu inissiat oqummik eqqugaasimasut katillugit 151-it iluarsanneqarput.

3. Naalakkersuisut ilisimatitsissutigisinnaavaat pisortat pigisaat inissiat attartortittakkat oqummik ajornartorsiuteqartut iluarsanneqarta qanoq akeqarsimanersaq ukiuni 2018, 2017 aamma 2016?

AKISSUT: INI A/S ilisimatitsivoq, ukiuni 2016-2018 oquiaanermut atatillugu toqqaannartumik aningaasartuuteqartoqarsimasoq, 2016-imi katillugit 5,7 mio. koruuninik, 2017-imi katillugit 3,0 mio. koruuninik aamma 2018-imi katillugit 5,6 mio. koruuninik. Taakku katillugit 14,3 mio. koruuniupput.

Iluarsaassinernut oquiaanernut toqqaannartumik attuumassuteqartunut, Ineqarnermut Attaveqaqatigiinnermullu Naalakkersuisoqarfimmit

suliarineqartunut aningaasartuuteqartoqarpoq, 2016-imi katillugit 14,1 mio. koruuninik, 2017-imi katillugit 25,8 mio. koruuninik aamma 2018-imi katillugit 11,85 mio. koruuninik. Taakku katillugit 51,75 mio. koruuniupput.

Aamma ilisimatitsissutigisinnaavara, ukiuni 2016-2019 Namminersorlutik Oqartussat inissiaqarfiini inissianut oqummik eqqugaasimasunut katillugit 11,3 mio. koruuninik tapiissuteqartoqarsimammat.

Taakkulu katillugit 77,35 mio. Koruuniupput.

4. Naalackersuisut ilisimatitsissutigisinnaavaat pisortaat pigisaat inissiat attartortittakkat qanoq amerlatigisut oquk pissutigalugu najugaqarfigineqarsinnaajunnaarsitaasimanersut?

AKISSUT: INI A/S ilisimatitsivoq, taakku amerlassusaat paasissutissiissutigineqarsinnaanngitsut. Inissiamik matusineq assigiinngitsunik peqquteqarsinnaavoq – oquk kisimi pissutaagani. Matusineq sumik peqquteqarnersoq nalunaarsorneqarneq ajorpoq.

5. Naalackersuisut ilisimatitsissutigisinnaavaat attartut qassit maanna inigisaminni oquk pissutigalugu inissiamut allamut nuunnissaminut utaqqinersut?

AKISSUT: INI A/S ilisimatitsivoq, maannarpiaq attartortut katillugit aqqanillit, inissiami maanna najukkaminni oqoqarnera peqqutigalugu inissiamik taartissamik utaqqisut.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Karl Frederik Danielsen